



№ 19

11 მაისი 1914 წ.

მიიღება ხელის მოწერა

წლიური ფასი

= 3 მან. =

ცალკე ნომერი 5 კაპ.

რედაქცია ღიაა 9-3 საათ.

უძველესი ქვირთული საზოგადო-
 მკურნალობის და სალიტერატურო უზრუნველ-
 ხელისუფალი მისამართი

მისამართი: თბილისი, გაბაევსკი პერ. № 3 რედაქცია „კლდე“. დეპოზიტის: თბილისი კლდე.

- ს ა რ ჩ მ ვ ი:
1. ახალი უბედურება.
 2. კრებების სეზონი. — მეგობარისა.
 3. უცნაური იუბილეი. — ეკალისა.
 4. შ რ ე ს ა. უკანასკნელი ამბები.
 5. ზალიტუხნიუმი კურთხევის გამო. — დამსწრესი.
 6. კახეთებიდან.
 7. ჩვენს ლექციებზე. — ლომონოსი.
 8. თეატრი და სელაფენა.
 9. ახალი უბედურება.

მიიღება ხელის მოწერა 1914 წ.

უძველესი ქვირთული საზოგადო-მკურნალობის

და სალიტერატურო უზრუნველ

„კლდე“-ზედ.

ფ ა ს ი:	1 წლით.	3 მან.
	6 თვით.	2 მან.
	3 თვით.	1 მან.

ცალკე ნომერი ყველგან 5 კაპ.

ახალი უბედურება

სამხედრო უწყებას პოლიგონი დასჯირდა. აშურიანი, მკვებავი გამოღმა სოფლებისა არაფრად ეყო; ტირიფონა, მკვებავი მთელი ქართლისა, შუაგული, ეკონომიური ბაზისი გორის მაზრისა, თავისი სოფლებით, მცხოვრებლებით ამ საბედისწერო პოლიგონსა ჰყვება. მთელი ქვეყანა დაღადებს ამ უბედურობას, მცხოვრებნი სტირიან და პირს იხოვენ, მაგრამ პოლიგონს თავისი „სახელმწიფო მოსახრებანი“ აქვს და იგი განზედ იწევს. იგი არა კმაყოფილდება მტკვრის გაღმა მხარით, იგი გამოღმაც აპირობს გამოსვლას და მეტეხსა, გრაკალს, ბარნაბიანთ-კარსა, და ყარაღაჯს ეპოტინება. ვისაც ცოტაოდნად წარმოდგენა მიიწა აქვს ქართლზედ, ვინც იცის თუ უკანასკნელ დროს სწორედ ქართლში როგორ წაიწია მეურნეობამ, მებაღეობა მევენახეობამ, ის მიხვდება თუ რა საშინელ განსაცდელით ემუქრებიან მთელს გორის მაზრას. რა უმაღლესი მოსაზრება შეიძლება დაუპირდაპირდეს იმ განუზომელ ქირსა, რომელიც უნდა თავს დაატყდეს მთელს ამ მხარეს; რა მოსაზრებით შეიძლება გამართლდეს 20—30 ათასი მცხოვრებელის აყრა, მათი მიწა-წყალის, მამულ-დედულის, საფლავების გადათხრა? ვერავითარ მტრის შემოსევას, შაჰაბაზის მოსვლას ვერ შეუძლიან ასეთი ამბავის დაღწევა.

— ჩვენ ხომ კარგ ფასს გადაღვეთო, მწარე და ცინივით ამბობენ დამფასებელ კომისიის წევრები.

— არ გვინდა, თქვენი ქირიმე, ყელეებს ნუ დაგვჭირთ, ჩვიან გლეხები.

მაგრამ კომისია თანდათან უფრო განზე იწევს და დღეს-ხვალ იქნება მოწამენი გავ'დეთ, რომ მთელ გორის მაზრას აპყრიან, ან დაუპირებენ მაინც. ყოვლად შეუძლებელია, ყოვლად უაზრო და ბარბაროსული ის წესი, რომელიც აღარაფერს ერიდება, არც მოსახლეობას, არც შემუშავებულ მიწას, არც კერძო საკუთრების პრინციპს, არც ათასწლოვით შესისხლხორცებულ ჩვეულებას საკუთრების ხელუხლებლობისა და ჯალათივითა სწყვეტს მიწიდან სიცოცხლის ნიშნებს. მერე რად? რომ

უსიცოცხლო ზარბაზნებმა იგრილონ, რომ ცხენებმა იჯირითონ, და სალდათებმა ივარჯიშონ, თითქო ამისათვის აუცილებელი საჭირო მიწა არ მოიძებნება უფრო მოტიტვლებულ; უფრო ხელსაყრელ ადგილას. არა, ეს რაღაც არაჩვეულებრივი დარბევია, მცხოვრებლებზე ზრუნვის მაგივრად, ეს რაღაც „პოვრომია“.

საწყალი გლეხობა, რომელიც ვერ მოსულიერებულა 1905—6 წლის ამბებისაგან, რომელიც ძლივ ძლივობით შეუღდა მიწის სყიდვას, გაკეთებას; თავად-ახნაურობა, რომელიც ეხლა-ღა ერკვევა და აკოწიწებს თავის სამეურნეო ძალებს; მთელი უზარმაზარი რაიონი უნდა აიყაროს, გაოხრდეს და გატიალდეს. უსარგებლო მიწად უნდა გადაიქცეს ის მცირედიც, რომელიც ქართლში ძლივსა ჰყოფნიდა მცხოვრებთ.

ასეთი საზარელი ამბავი 1905 6 წელშიაც არ მომხდარა, როცა ცეცხლითა და მახვილითა სჯიდნენ აჯანყებულთ, სწავადნენ და ჰბუჯადნენ გურიას. დღეს კი რა მოხდა ასეთი, როცა სიმშვიდეა ყველგან, როცა ხალხი უსიტყვოდ ეწევა თავის ქაპანს და ჩაპყრებს თავის ერთადერთ მცხოვრებელ მიწას? რა დააშავა ქართლმა? თვალებს ნუ გვიბრმავებენ იმით, რომ ლათაიებით გვართობენ: ეს გამდიდრებს გორსა და ქართლსაო, ჯარს ბევრი საწოვად უნდა და სხვაო. ეს საზარელი უბედურება, და ვისაც თვალნი აქვს ხედვით და ყურნი სმენად— მიეშველენით ქართლს, აცდინეთ თავიდან ეს აუტანელი ხიფათი. სად უნდა წავიდეს იმოდენა ხალხი, სადა? იგი ვერსად გაიჩენს მკვიდრ ბინას, რადგან ათასწლოვით შეჩვეულია ერთ ადგილას ყოფნას. მერე ვინ არ იცის, რომ ქართველები საზოგადოთ და ნამეტნავად ქართლები საშინელი უძრავი ხალხია და სხვაგან გადახვეწა მათი სიკვდილი იქნება, რაც უნდა ფული ჩააყარონ. ან რად უნდა სამხედრო უწყებას მაინცა და მაინც ასე ძვირად ღირებული ადკილი? ან დავიწყებულია სამართალიც და კანონიც?

ან როდის ყოფილა სადმე იგი. გლეხის გაჩენაში ღმერთი არა რეულოო თუ ამბობენ, დღეს თამამად ითქმის, რომ არც ქართლის გაჩენაში რეულო ღმერთი. საშინელი განსაცდელია, საშინელი.

კრებების სეზონი

დადგა სეზონი ყოველგვარ საზოგადოებათა და დაწესებულებათა კრებებისა, სადაც ხშირად ძლიერ ცხარე და საინტერესო კამათიც იმართება და ხშირად ეხებიან არა მარტო თვით იმ დაწესებულების საგულისხმო, არამედ მთელი მხარესათვის და ჩვენი ერისათვის დიდმნიშვნელოვან საკითხებსაც.

ხშირად ისეთი საინტერესო საკითხები აღიძრება ხოლმე, რომ ყველა დამსწრეს თითქმის ერთნაირად აინტერესებს, მაგრამ რადგანაც კრების დიდი უმრავლესობა თითქმის სრულიად ვერ იცნობს საქმის ვითარებას და არც აღძრულ საკითხს, იძულებულია იქვე საჩქაროდ გაეცნოს საკითხს და ასე აუწონ-დაუწონავი აზრი და წინადადება მისცეს კრებას.

უმეტეს შემთხვევაში ამ კრებებზე წლითი-წლოებით სულ ერთი და იგივე პირნი ამბობენ რიხიან, შაბლონურ, წყალ-წყალა სიტყვებს და ამ სიტყვების კორიანტელისათვის ჩვენი საზოგადოებაც ხშირად ტაშით აჯილდოებს ორატორებს, მაგრამ თვით საქმისათვის ამას არავითარი სარგებლობა არ მოაქვს და წუთით მონაბერს აღფრთოვანებას ქარი ანიავებს. ასეთი ფუჭი ლაპარაკის თავიდან ასაცილებლად საჭიროა მეტი ყურადღება მიექცეს კრების მოწვევას.

ახლა ისე, სხვათა შორის გამოაცხადებენ ერთხელ გაზეთში: კრება ამა და ამ დღეს იქნებაო და გათავდა, ამით უნდა დაკმაყოფილდეთ.

ჩვენი აზრით, აუცილებლად ნაჩვენები უნდა იყოს რა და რა უმთავრესი საკითხები იქნება ამ კრებაზე აღძრული და ისიც თუ ვისმეს აქვს მოხსენება. ყოველ საზოგადოებას ხომ ჰყავს თავისი გამგეობა და იმან უნდა მუხლობრივ გამოაცხადოს, თუ თითონ ექნება რაიმე ახალი წინადადება ან მოხსენება.

აგრედვე ყოველ გარეშე პირსაც უნდა მოსთხოვოს განზრახული მოხსენება, გაეცნოს თითონ და თავისი დასკვნა და აზრი დაამზადოს და ორივე წინასწარ უნდა გამოაცხადოს დებულებათა სახით, რომ საზოგადოებას შეძლება მიეცეს გაეცნოს და თითონაც ჩაუფიქრდეს საკითხს და მომზადებული, გადაჭრილი, აწონ-დაწონილი წინადადებით მოვიდეს კრებაზე,

მაშინ არ გამეორდება ის არა სასურველი მო-

ვლენა ჩვენს კრებებზე ახლა რომ ხდება, მოუფიქრებელი წინადადებები, ერთი მეორის აზრების გაუმეორება და სიტყვიერი კინკლაობა.

მეგობარი.

უცნაური იუბილეი

ეს ფონი კარგია, მაგრამ ერთს ადგილას აზრჩობსო.
ხალხური ანდაზა.

რუს მონაზონთა მონასტერი ბოდბეში თავის დაარსების 25 წლის იუბილეის დღესასწაულობს.

რომელ ქართველს არ ეცოდინება ბოდბე. რომელ ქართველს ბოდბის ხსენებაზედ გული არ აუძვირდება,

რომელი უკანასკნელი ქართველი ქედ მოხრილი და მუხლ მოდრეკილი სასოებრთ პატივს არა სცემს ბოდბის პატარა ეკლესია-აკლდამას — იმ აკლდამას, სადაც ივერიის წმიდათა წმიდა ნაშთი ასვენია: ნაშთი წმიდა ნინოსი!

ბოდბე უძვირფასესი კუთხეა საქართველოსი ბოდბე უწმიდესი კერაა ქართველებისა ბოდბე დიდებული ძეგლია ქრისტიანულ ივერიისა.

საქართველოს არე-მარე მრავალ ძვირფას ნაშთებით მოფენილია, სხვა და სხვა ეპოქის ნაშთებით, მაგრამ მათ შორის უდიდესი და უძვირფასესი ბოდბის ნაშთია...

რადგანაც იგი მარტოა, როგორც ერთი ეპოქის გამომსახველი: თხუთმეტ საუკუნის ქართულ ქრისტიანობის ეპოქისა!

წმიდა ნინომ მოუტანა საქართველოს ქრისტიანობა, ქრისტიანობამ კი დაჰბადა საუცხოვო ქართული ისტორია და ის კულტურა, რომლითაც დღეს ქართველობას თავი მოაქვს და სამართლიანადაც ამაყოფს.

მაშ რომელ უკანასკნელ ქართველს არ ეცოდინება ბოდბე?

ამიტომ, ის რაც ხდება ხოლმე ბოდბის მონასტრის შიგნით, ყოველ ქართველის დიდ ყურადღებას იქცევს.

დღეს ბოდბეში რუს მონაზონთა მონასტერი 25 წლის იუბილეის დღესასწაულობს.

ვამბობ რუს მონაზონთა მონასტერი, რადგანაც ამ ყოფილ ქართულ მონასტერში დღეს არც ერთი ქარველი აღარ მოიძებნება. რატომ?

25 წლია წინად, როდესაც რუსეთის სასულიერო წოდების მამა-მთავრად ცნობილი პობედონოსცევი იყო, ამ კუთხეს სინოდმა დიდი ყურადღება მიაქცია.

პობედონოსცევა მიზნად დაისახა: ხელში ჩაიგდოს ეს წმიდათა წმიდა საქართველოსი და ამითი თავი მოჰკვეთოს ქართულ ეკლესიასაც.

ყველა ზომები იყო მიღებული, რომ წმინდა ნინოს საფლავისათვის ქართველები მოეშორებინათ.

ყოველ წელს რუსეთის მონასტრებიდან იგზავნებოდნენ ახალი მონაზნები. ინიშნებოდნენ რღუმენიებად ისეთნი, რომელთაც სასტიკად ევალებოდათ განდევნა ყოველი ქართულისა...

ამ ხუთის წლის წინად, თვალის სანახავად, მონასტერში ოთხს ქართველს მონაზნს და ერთს მღვდელს ინახავდნენ.

დღეს ეს თვალისანახად ქართველნიც მონასტრიდან გააძევეს!..

და მასთან უცნაური კოლეგია მოაწყვეს, სადაც პაწია ქართველ ბავშვებს სპეციალურ „აღზრდა-განათლებას“ აძლევენ!

ლაიოლას პოლიტიკა!

წმინდა ნინოს აკლდამას მოაშორეს მოსიყვარულე ქართველი სული და მის სახელის სკოლას—ქართული გული და სული.

და ეხლა იუბილეის დღესასწაულობენ...

კარგი ფონი უშოვნიათ იუბილიარებს და მათს წინამძღვრებს...

მაგრამ ამ ფონს ერთი სახიფათო ადგილი აქვს...

ეს ადგილი არის—რელიგიური და სულიერი გრძნობანი ერისა.

ეს საშინელი ადკილია, სადაც გამვლელი თუ ფეხს შესდგამს უსათუოდ დაიხრჩობა.

უდიდესის წმინდანის ქართველ ერისა, წმინდა ნინოს საფლავზედ პოლიტიკურ ექსპერიმენტების წარმოება მეტად სახიფათოა...

დღევანდელ ქართველობამ თვალები აახილა.

ეკალი.

ზ რ ე ს ა

გაზეთი „აზრი“ ჩვენს წერ-ლზედ „გელეიშვილის ლექციებზედ“, ასე გვიპასუხებს:

პურეშკევიჩებიც ასე ამბობენ, თქვენ არაკვეთ სტოლიანიების საქმიანობას და მამ ჩირქსა სცხებთ რუსის ერსა.

ასეთი ლოლიკისათვის მეთვრამეტე ნომერში ჩვენ „ნარევი“ გვქონდა და ძნელად წარმოსადგენი იყო, რომ პრესაშიაც მარტო სიცილის ღირსნი იქნებოდნენ „აზრის“ აზრიანი ლოლიკოსები.

ერთხელ პურიშვევიჩმა სთქვა სიტყვა: „აზრი“; ს.-დემოკრატების ქართულ გაზეთს აწერია სათაურად: „აზრი“—აქედან პირდაპირი დასკვნა შეიძლება გამოიყვანონ „პროლეტარებმა მთელი ქვეყნისა“, რომ სოციალ-დემოკრატის და პურიშვევიჩის აზრი და მიმართულება—ერთი და იგივეა. რუსები ამბობენ: „ВЪ ТЕМНОТѢ ВСѢ КОШКИ СѢРЫ“ და უნდა ვიფიქროთ, ასევე ბნელა „აზრის“ მეპრესეებისათვის.

ეველამ გაიგო, რომ ილიას მკვლელები იყო ვინმე ნამამსახლისარი ინაშვილი. ეს იციან ფედერალისტებმაც... მერე ჰქონდა თუ არა რაიმე კავშირი სოციალ-დემოკრატისთან ინაშვილს? 1905-ში ჩვენ ბუერი გვგვედგებოდა, მარა ინაშვილი ვერ კადგვოქტომბრის დღეების წინ ჩვენი რაზმის გარეშე გამოაცხადა დუშეთის მიტინგზე ის. რ - მ. ამას მოწმეა მრავალი ათასი კაცი.

ეველამ იცის, რომ ინაშვილს ამოქმედებდა კერძო ინტერესები, ვინაიდან ილია ჭავჭავაძემ ხალხს თხოვნით ხელი შეუწყო ინაშვილის მამასახლისობიდან გადაეკეპას.

თქვენ, შკერაშვილებო, წინააღმდეგს დალადებთ. გავარჩიოთ ეს ტირადა. რასაკვირველია ყველამ იცის რომ ფიზიკური მკვლელი იყო ინაშვილი და ძმანი მისნი, მაგრამ ყველამ ისიც კარგად იცის, თუ რასა სწერდა მახარაძე და როგორ იხსენიებდა სოციალ-დემოკრატია ილიას. ისიც ყველამ იცის, თუ რა დაპოკიდებულება ჰქონდა ინაშვილს ს.-დემოკრატისთან და თუ ის. რ—მა მიტინგზე გამოაცხადა ინაშვილის განდევნა პარტიიდან, შეიძლება იმ უბედურმა კიდევაც იფიქრა: ილიას მოკვლით, ამ ჯაშუშისა და ავაზაკისა, ამ ხალხის გამყიდველისა—სახელს აღვიდგენ და ძლიერ (იმ დროს მაინც) პარტიის წევრად ხელახლა გავხდებო. რაღა თქმა უნდა ინაშვილს კერძო ინტერესებიც ჰქონდა, მაგრამ ხშირი არ იყო განა, რომ იმ დროის „ტერორისტები“ ერთმანეთში აზავებდნენ კერძო და საზოგადო ინტერესებს? განა სოციალ-დემოკრატია არ იყო, რომ სამართლიანად უკიჟინებდა ესერებს: თქვენი ტერორი უმიზნოა, რადგან იდეის გალატაკებასა ნიშნავს და იდეურ მუშაკებს ამაზედა ჰკარგავთო, განა იგივე სოციალ-დემოკრატია არ ჰკმობდა იმ ხანად ტერორს, თუ არ „ხალხის გულიდან ამონახეთქს?“ ხალ-

ხის გულიდან კი მაშინ გამოდის მკვლელი, როცა მას კერძო ინტერესიც აქვს ბოროტ-მოქმედებაზედ. ინაშვილებისათვის კი ეს ბოროტ-მოქმედება შარავანდელითაც იყო შემოსილი, რადგან „ჯაშუშის და შავრაშმელის“ მოკვლა იმ ხანად რაინდობად ითვლებოდა, და როდესაც ჩვენ გაბედულად ვაპბობთ, რომ **თქვენ** მოკვლით ილია, ეს იმას კი არა ნიშნავს, რომ მახარაძემ, გელიეშვილმა ან ვინემ სხვამ თავისი ხელით მოკლა, არამედ იმათ **შეჰქმნეს ისეთი ატმოსფერა და იმისთანა დროს, როცა ეს მკვლელობა აუცილებელი თუ არა, შესაძლებელი გახდა.** აი ეს არის ჩვენი ბრალდება, ამას ვწერდით კიდევაც წინად და ვერც არავინ დაარღვია ესა და ვერც არავინ დაარღვევს. ამას ისიც უნდა დაუმატოთ რომ მთელს სოციალ დემოკრატიულს მოძღვრებაზედ, ან პარტიაზედ ჩვენ უფრო დიდი წარმოდგენისანი ვართ, ვიდრე გადაგვარებულ მახარაძესა და გელიეშვილებზედ: ჩვენა გგონია, რომ ეს სიბილწე ისევე განსაღვინა თქვენი პარტიიდან, როგორც ინაშვილის, რადგან ინაშვილმა მოკლა მართალია დიდი, მაგრამ ერთი ილია, მახარაძენი და გელიეშვილები კი უხაზავენ ათასი ადამიანის გულს იმისთანავე მკვლელობისათვის. და როცა თამამად იძახით: **წარაღვინეთ თქვენი საბუთებიო,** თქვენ კარგად იცით, რომ შეუძლებელია წერილობითი, ან სხვა მატერიალური საბუთი იყოს იმისა, თუ **განსაზღვრულ დროს, განსაზღვრულ პირობებში,** როგორ იმოქმედებს ადამიანზედ ესა თუ ის ქადაგება.

ჩვენ უაღრესად ისიც გვაშფოთებს, რომ თქვენ, ხელმძღვანელები, ხელს უწყობთ ბრბოს და შეუღებულთ, — **ეხლაც,** ილიას სიკვდილის შემდეგ ისევე ქვენა გრძობებით იხელმძღვანელონ თავიანთ მოქმედებაში. როდესაც თქვენ ბეჭდავთ ჩვენზედ: აი, თქვე შავრაშმელებო, ხულიგნებო, პურიშკევიჩებო და სხვა იდეურ საბრძოლველ იარაღს ვერა ხმარობთ, რად უნდა გაგიკვირდეთ, რომ ასეთს თქვენს დემაგოგიას საზიზღრობა მოჰყვება ხოლმე? ილიას მკვლელობა ასეთივე შედეგია **თქვენის** პროპაგანდისა და თუ ბრალი გვიდევს **ჩვენც** — ეს მხოლოდ იმაში რომ ჩვენც იმ უბედურ ჟამსა ვცოცხლობდით, როცა ილია მოკვლეს.

რაც შეეხება იმათ, რომ ჩვენც ფედერალისტებს მიგვატმასნეთ — ეს ჩვეულებრივი ოქვენი სიბრმავეა, რადგან ვინც თქვენ რაზმს არ ეკუთვნის, ყველა „შავრაშმელი და ფედერალისტი“.

შავრაშმელობას და ხულიგანობას თქვენ თი-

თონ იჩენთ ჯერ ჯერობით, აი, თუნდა იმაში, რომ ერთად ერთი გახეთი „თემი“ ხმას არ იღებს ამ საკითხზედ, და თქვენ იწვევთ, გინდა თუ არა, შენც ჩაერიე საერთო განგაშშიო, რომ თქვენი ღვარძლიანი დემონსტრაცია ქვენა-გრძობებისა უფრო თვალსაჩინო გახდეს; ქუჩის ბიჭებმა რომ იციან: ასტეხავენ „სკანდალს“ და მერე დაძვრებიან ხალხში: ჰა, შენც ჩაერიე, სერიო უფრო კარგი გამოვაო.

სიღნაღის არჩევნებმა მთელი ქართული პრესა ააღელვა. სომხები მუდამ უსაყვედურებენ ქართველობას — ნაციონალისტები ხართო და თვითონ მუდმივ და სისტემატიურად განაგრძობენ თავის ნამდვილ შოვინისტურ პოლიტიკას. აი რასა სწერს ამაზედ გაზ. „იმერეთი“.

როდესაც სომხის ჩიჩნი ვაჭრები ქართველების წინაშე უსამართლობას ჩიიენენ და ქართული გაზეტები ამის წინააღმდეგ ხმას ამოიღებენ, სომხის გაზეთები ჩვენვე ვაძმუყუნებენ, ინტერნაციონალიზმისადმი დალაცს ვაბრალებენ და თან გვემუქრებიან: ხმა გაკმინდეთ, თაჯარა იმასვე იკემებთ, რაც ჩვენგან თათრებმა იწეხაესო.

სომხის ბურჟუაზია ინტერნაციონალიზმის სახელით გველაზარაკება და ვაშინებს! ერთსა და იმავე დროს საერთაშორისო ძმობისა და პრინციპულად მიგვითათებს და შავრაშმული „პროგრესიბითაც“ გვემუქრება. აქედან ნათლად სჩანს, როგორც არის მისი ინტერნაციონალიზმი!

ჭიციხეკენ ქართულ გაზეთებს, რომელთაც სამართლიანად დაჭკმეს სომხის ბურჟუაზიის შოვინისტური საქციელი, და სომხის ბურჟუაზიაზე კი ამბობენ: ხელში ძალა უჭირავს და ნება აქვს, როგორც უნდა, ისე მოიხმაროსო.

ცხადია, ეს შემდგარი პოლიტიკაა! სომხები გაფანტულნი არიან ქართველთა შორის და არ გამოადგებათ მტრული პოლიტიკა იმ ხალხის წინააღმდეგ, რომელიც მათ ასაზრდოებს.

ამბობენ, ქიზივი უკვე ბოჟოტის გამოცხადებას აპირებსო, და, თუ ეს ხმა გამართლდა, ეს ხომ საშინელება იქნება იქაური სომხის ვაჭრებისათვის.

მაგრამ სომხები პირიქით, დარწმუნებულნი არიან რომ ეს ქართველებს აენებს... არ ვიცით ეს აენებს თუ არა მომავალში ქართველობას... მაგრამ საკითხავია რა სარგებლობა მოაქვს დღევანდელს სომხობის „ძმური“ პოლიტიკა ქართველებისათვის?

ქართველების მართლაც ისტორიულ და დღე-

ვანდლამდესაც კი ძმურს ქცევით, სომხები ვერაგულად სარგებლობენ. თუ წარსულში საქართველო კარებს უღებდა დაჩაგრულ სომხის ერს და თავის მიწებს უთმობდა, რომლითაც სომხის შოვინისტებმა ისარგებლეს და ეხლა საქართველოს ხარჯზედ სომხეთის ტერიტორიის შექმნას აპირობენ, დღესაც ამისდა მიუხედავად გულუბრყვილო, მაგრამ კეთილშობილი ქართველობა მაინც ძველებურად ექცევა სომხებს.

„ბათუმის გაზეთი“ მაგალითად ასახელებს ქ. ბათუმს, სადაც სომხებს საკუთარი ძალით ერთის ხმოსნის არჩევაც არ შეუძლიანთ, მაგრამ საბჭოში ყოველთვის 6—7 სომეხია, რაიც სრულიად სამართლიანად აღიარებულია ბათუმელ ქართველთა შორის.

„ეს უნდა — ამბობს ხსენებული გაზეთი, — მივაწვროთ ბათუმელ ქართველობას ტაქტს. რატომ ასევე არ იქნევიან სომხებიც, სადაც ისინი ქართველებზე მეტს ძლავს წარმადგენენ?“
საინტერესოა ეხლა პასუხი გაზეთ „ჰორიზონისა“.

აი რამდენი ხანია, რაც „სახალხო გაზეთში“ ვეებერთელა ფელეტონები იბეჭდებოდა ვინმე ი. კარბელაშვილისა გადაღეჭილ ხიზანთა საკითხზედ. ყოველ დღე ახალი ხიზანთა „მეცნიერები“ ჩნდებიან, უთავბოლოთ სწერენ, ანადგურებენ ნამდვილ ფაქტებს, ციფრებს, სინამდვილეს... ვინ უშლით? სწერენ, რადგანაც საბრალო ქართველი მკითხველი ყველაფერს მოისმენს და აიტანს... რასაკვირველია ბატონ ივ. კარბელაშვილს თვალში ჟურნალი „კლდე“ აქვს აღებული... ყოველ ღონისძიებას ხმარობს, რომ ვითომ-და გააბათილოს „კლდის“ საფუძვლიანი დებულებანი, ხიზანთა საკითხის გამოკვლევანი და უკანასკნელ ფელეტონში ვეღარ ეყო მასალა და დაამთავრა.

მთავრობის ზრით ხიზნებმა 23,000 დესეტინა უნდა შეისეიდონ. თავდაზნაურობას ეს ებეჭრა. თუ ამდენი მამული ხიზნებს ერგოთ, თავდაზნაურობა სულაინ-ხოჯიცანად დაიდუშება. ამას ამბობს ჟურნალი „კლდე“.

ასეთს სისულელეს ცხადია „კლდე“ არ იტყოდა... გადიკითხეთ ჟურნალის მთელი წერილები ხიზანთა საკითხის გარშემო და დაინახეთ, რომ ეს ბ. კარბელაშვილის „უხეზად ჩამოსხმული ტყუილია“.

და ამიტომაც უსიამოვნოა და უნუგეშოც ამ-

ნაირ მწერლებთან რაიმე სერიაოზულ კამათში ჩაბმაც. თუნდაც რომ „ორიგინალური და თავისებური“ აზრები ბ. კარბელაშვილისა ხიზნებზე დიდ საკამათო და საპასუხო მასალასაც იძლეოდეს.

არა ნაკლებ ორიგინალურ აზრებს გამოსთქვამს ყოველად სამღვდლო ეპისკოპოზი ანტონი რუსულ სასულიერო გაზეთებში „Церковныя Вѣдомости“ № 1 и „Вѣстникъ Груз. Экзархата“-ში (№ № 1 - 6), თუმ-ფშავ-ხევისურების სარწმუნოებრივ მღვთმარებაზედ:

„ქრისტიანული იდეა — ბრძანებს ეპისკოპოზი ანტონი — უცხოა ფშავ-ხევისურის გულისა და თავისთავისა... ეს შთის ველური ქვეყანა ელის მოციქულებს, რომლებიც მართლმადიდებელ საეკლესიო სარწმუნოებრივ ზრდს გახდნან მათ სულიერ მოთხოვნებზედ“... (რუსულ დედაში — *сдѣлали бы достояніемъ туземнаго духа*).

ამ უცნაურ გამოკვლევით ქართველი ეპისკოპოზი (თვით ტუშემეცი) სინოდის გამოცემებში რასაკვირველია მიმართავს რუსეთის სასულიერო მართველობას მიეშველეთ ველურ კერპთაყვანისმცემელთა ქვეყანასა ი. ე. მისიონერები აფრინეთო და რუსეთის მართლმორწმუნე ეკლესიის „ღუხი“ ხალხში ჩათესეთო... „მისიონერებსაც“, რასაკვირველია ეს უნდათ. „პროგონი, სუტონი“, კი ჯამაგირი და თუმ-ფშავ-ხევისურების ძველებური ქართულ კერპებისაგან განთავისუფლება!.. მაგრამ რა უნდა ქართველ ეპისკოპოზ ანტონის?

ძველად-ძველ ქართულ მართლმორწმუნე ქრისტიანობის გმირ დარაჯებს რათ აწიოკებინებს? განა საკმარისი არ არის რომ ბარის მართლმორწმუნე ქართველობა ამ „ღუხში“ იორჩობა და მის წყალობით არც ახალს შეეთვისა და ძველი ქართული ქრისტიანული ზნე-ჩვეულებანი, ადათები და ეკლესიები მიატოვა?..

და ამისთანა „ქართველი“ ეპისკოპოზები აჩუქა ქართველ ერსა? ვგონებთ საკმარისია...

უკანასკნელი ამბები

ჩვენს რედაქციაში გამოფენილია სამი სურათი, დახატული ცნობილ მხატვარ ბ. ბაბუშვილისაგან. მსურველთ შეუძლიანთ მათი ნახვა ყოველ დღე, როცა რედაქცია ღია არის.

კონფისკაცია „კლდისა“. ამასწინად ჩვენი ჟურნალის მე-17 ნომერის რამდენიმე წერილი აღმინისტრაციამ სტამბიდან წაიღო.

მე-18 ნომერს კი კონფისკაცია უყვეს და ყველა მეგაზეთეებს ჟურნალი ჩამოართვეს.

ქ. შ. წ.-კ გ. ს. წიგნის მალაზიის გადატანა. შარშან წ.-კ. საზოგადოების კრებაზედ აღძრული იყო საკითხი, რომ საზოგადოების წიგნის მალაზია გადატანილ იყოს ქართულ ქარვასლის მიყრუებულ ეზოდან ქუჩის ნაპირას და მასთან, მისი სავაჭრო მასალა შეევსებულე ყოფილიყო სხვა და სხვა სკოლებისთვის და სსწავლებლებისათვის საქირო ნივთეულობით. ამისთვის არჩეული იყო საგანგებო კომისია. წარსულ ორშაბათს კომისიის წევრნი—ივ. ზურაბიშვილი, ვ. ლამაშიძე, რ. გაბაშვილი და დ. ვაჩნაძე, ამ საკითხის გამო შეიკრიფნენ. საზოგადოების გამგეობამ წარუდგინა მათ ყველა საქირო ცნობანი და მათი განხილვის შემდეგ კომისიამ ერთხმად დაადგინა: 1) საზოგადოების წიგნის მალაზია უსათლოდ გადატანილი უნდა იყოს ქუჩის ნაპირას—გოლოვინის პროსპექტზედ. 2) მალაზიაში ქართულ წიგნებთან ერთად უნდა იყიდებოდეს ყველა საკანცელარიო ნივთეულობა, და ყველა სახელმძღვანელოები სხვა ენებზედაც. 3) ამისათვის საზოგადოებამ უნდა გამოიღოს პირველ წელიწადს 5000 მანეთი ხარჯი (ეხლა 2300 მანეთს ხარჯავს.), რომელშიაც 500 მანეთი ერთდროულ ხარჯს წარმოადგენს (მალაზიის გადატანა, თაროების გამართვა და საზოგადოთ მალაზიის შესაფერისი მოწყობა).

კომისიის აზრით ეს ხარჯი არამცთუ ანაზღაურდება შემოსავლიდან, არამედ დიდ მოგებასაც მოიტანს, რადგანაც ხსენებული მალაზია ამნაირ მოწყობით ცენტრალურ სავაჭრო საწყობად გადიქცევა, საიდანაც ყველა ქარაული საზოგადოებანი, სსწავლებლები, სკოლები ყველა საქირო წიგნებს და ნივთეულობას მუდმივ მოითხოვენ და გამოიწერენ. ამ საკითხის შესახებ მომავალ წ.-კ. საზოგადოების წლიურ კრებას კომისია დასაბუთებულ მოხსენებას წარუდგენს.

„ცენტრალური ამიერ კავკასიის მეხილეთა ამხანაგობა“. 22 აპრილს 1914 წელს ნოტარიალურ წესით დაიწერა ხელშეკრულობა „ცენტრალური ამიერ-კავკასიის მეხილეთა ამხანაგობისა“-სა. დამფუძნებელნი ხსენებულ ამხანაგობისა შემდეგი

პირები არიან: დ. ე. ჩოლაყაშვილი, ვ. გ. მაჩაბელი, ი. ი. ფურცელაძე, ს. რ. ვახვახიშვილი, ვ. ი. რცხილაძე, ლ. ნ. დიასამიძე, გ. დ. ჟურული, ი. ო. იოსელიანი, ი. ვ. ქუთათელაძე, გ. ნ. ვეზირიშვილი, ა. თ. ყიფშიძე, ს. ნ. ყაზახაშვილი, ი. ნ. მაჭავარიანი, ი. ე. ფურცელაძე, ა. ხ. აბაშიძე, დ. რ. მაჭავარიანი, დ. გ. გაგლოშვილი, ე. ს. ცალქალამანიძე და ნ. ზ. კეცხოველი.

დღეს დამფუძნებელნი ქ. გორში პირველ დამფუძნებელ კრებას მართავენ, და ახლო მომავალში საქმის განხორციელებასაც შეუდგებიან.

ელგუჯა, მოთხრობა აღ. ყაზბეგისა უკლებლივ გამოსცა იას. კერესელიძემ ცალკე წიგნაკად, რომელსაც ჩართული აქვს ყაზბეგისა და ვაჟა-ფშაველას სურათი. წიგნი 186 გვერდიანია, სუფთად გამოცემულია და ღირს ორი აბაზი.

როგორც „სახ. გაზეთს“ ატყობინებენ, პარიზში დაარსებულ საქართველოს უფლებათა ლიგას დიდი მიტინგი გაუმართავს ტირიფონას ველის ექსპროპრიაციის შესახებ. სპროტესტო დადგენილება მიუღიათ რომელიც თურმე ყველა გამოჩენილ პირს დაეგზავნა. იქაურმა გაზეთებმა აღნიშნეს ეს ფაქტი დიდის თანაგრძნობით..... ამბობენ... ამბობენ კი არა სინამდვილეა, რომ განზრახულ სოფლებს ოთხი სოფელი კიდევ მიუმატეს ასაყრელად. სახელდობრ: ბარნაბიანთ-კარი, მეტეხი, გრაკალი და ყარაღაჯი. ექვს ამ თვეს სოფლებებს ეწვია მთავრობ-საგან გამოგზავნილი შემფასებელი კომისია. კომისიამ შეაფასა მიწები და წინადადება მისცა სოფლებებს ხელი მოეწერათ. სამი სოფლის მცხოვრებნი სულაც არ გამოცხადდნენ და მხოლოდ მეტეხელების მხრით გამოცხადდა სამი მაგრამ ხელის მოწერაზე იმათაც უარი განაცხადეს; მაშინ კომისიამ წინადადება მისცა სამი დღის განმავლობაში გამოცხადდნენ უთუოდ კომისიის თავმჯდომარესთან გორში, ხელის მოსაწერად. სოფლებებმა კდევ გამოუგზავნეს თორმეტი კაცი გუბერნიის თავ-აზ. წინამძღოლს, რათა უშველონ რამე, ეს საქმე სასურველად დაბოლოვდეს.

პოლიტიკური კურთხევის გამო

წარსულ კვირას, ქალაქის განაპირას, ანუ უკეთ, ქალაქს გარედ, აკურთხეს საძირკველი პოლიტიკური კურთხევისა. წავედი მეცა. მთელი ქალაქის ავტომობილები, ფაიტონები, დილიჩნები, ლიმონათის ეტლები და, წარმოდგინეთ, ტრამვაის თითქმის ყველა ნომრებიც აქითკენ მიიმართებოდა; მაგრამ გამაკვირვა, რომ არც ერთი ქვეითი არ შემხვდა, იქით მიმავალი. ან ვინ წავიდოდა ფეხით 8 ვერსის სიშორეზედ გადაქიმულ უდაბნოში, თუმცა მშვენიერი მაისის დღე და კვირაც იყო. თითქმის მთელი გზა და ნამეტნავად ავლაბარი იაფი სამკაულებით იყო მორთული; შუა მოედანზედ იდგა ჩითის სატრიუმფო კამარა უღრამატიკა წარწერით: „*Мы здравствуемъ просвѣщеніе*“, მორთული ოთხფერი ბაირალბით: წითელი, ლურჯი, ყვითელი და თეთრი. აქამდის ჩვენ გვაცნობდნენ მარტო სამ ფერს: ლურჯსა, წითელსა და თეთრსა, მაგრამ უკასკნელ დროს სომხურ „სალამობზედ“, „დიღებზედ“ და უქმეებზედ ჩვენ გვხვდებოდა ყვითელი ფერიც რას ნიშნავს იგივე ფერების შეზავება პოლიტიკური კურთხევის დღესასწაულზედ? ეს უბრალო შემთხვევაა, თუ სიმბოლო სომეხ-რუსთა ერთობისა? ან იქნება პოლიტიკური კურთხევის დღესასწაული — განსაკუთრებით სომხური დღესასწაულია? მაგრამ თავი დავანებოთ ამ სიმბოლური აღრევას ფერთა და წავიდეთ ნავთლულში. ყველამ უნდა თავისი თვლით ნახოს ის „ფინანსური მოსაზრებით“ გამარჯვებული ადგილი, რომ დააწმუნდეს, თუ რამდენად ეს უკანასკნელი მოსაზრებაც ჰქრება; და თუნდაც ნამდვილად ყოფილიყო, როგორ იჩრდილება იგი იმ უმწეო მდგომარეობით, რომელშიაც ჩაავდეს უმაღლესი სასწავლებელი კავკასიაში. ტრამვით გავლარვა ვერსისა, მერე ფეხით კრდევ ორისა იმისთანა ოღრო-ჩაღროებში, რომ კაცი ფეხს მოიტეხს და მერე სასაფლაო. თითქო პოლიტიკური კურთხევის უდიდესი ძეგლი იყოს ამ სასაფლაოზედ, მის კარებს წინ ჯვრები და საფლავის ქვებია დასვენებული. წინა, მარჯვნივ და ერთ კუთხეზედ — საფლავების მეტი არა მოსჩანს რა. მარცხნივ და მეორე კუთხეზედ ახალი და ძველი სასაკლაო. უკან და მესამე კუთხეზედ სამი რკინის გზა: კახეთისა, ყარსისა და ბაქოსი; აქა-იქ გაბნეულია ყაზარბები, თავლები და მისავალში, მთელი ვერსის მანძილზედ, საქონლის ბაყები,

მშვენიერი სურნელებით. რასაკვირველია, ყველა ამის გადატანა შეიძლება სხვაგან და განზრახულიცაა; რასაკვირველია, გარშემო შეიძლება ტალახიანი და ბორცვიანი ადგილები გასწორდეს, მოიკირწყლოს, ბაღები გაშენდეს; შეიძლება სახარაც გამშვენიერდეს, მაგრამ ნავთლულის ამ მდგომარეობაში ჩასაგდებად ათი მილიონი არ არის საკმარისი და რომელი „ფინანსური მოსაზრება“ და გაუძლებს ამას? აგერ თბილისის თვითმართველობამ უარი სთქვა 80000 მანეთის გადადებაზედ საპოლიტიკური კურთხევის ადგილის გასამშვენიერებლად და უექველცა, ეს გამშვენიერება იმ გულუბრყვილო ხალხის კისრიდან ამოვა, ვინც გაბედავს იმ ადგილებში მიწის შექმნას.

ახლა წარმოვიდგინოთ, რა პირობებში მოუხდება სწავლა მომავალ სტუდენტებს. თუ თბილისში იცხოვრებენ, უნდა მთელი საათი, დილის საუკეთესო საათი გზაზედ დაჰკარგონ და ამ დაკარგვაში ფულიც აძლიონ, რადგან ფეხით ყოვლად შეუძლებელია იქ წასვლა და უფრო მეტადაც დაჯდება. ეხლა ტრავით წასვლა 13 კაპ. ღირს და უკანაც 13 კ. — დღეში 27 კ. თვეში შეადგენს 7 მ. 80 კ. უნდა ვიფიქროთ, რასაკვირველია, რომ შემდეგში და ნამეტნავად სტუდენტებისათვის შედავათიანი პირობები იქნება, ვსთქვათ 8 კაპეკი. 8+8=16 ესე იგი თვეში 4 მ. 80 კ. — ესეც ძალიან შეავიწროებს ღირებ სტუდენტობას, რადგან ქალაქ-გარედ გასულს, ქამაც ენდომება ხომა და ყველამ კარგად იცის თუ სახლს გარედ ქამა რა ძვირი ჯდება. ამ „წვრილობის“ გარდა, ვიფიქროთ, რომ ყველა სტუდენტი ნავთლულში, ან თვით „ხატისოვკაში“ დასახლდა. იგი ხომ მოწყვეტილი ვერ იქნება დიდი ქალაქის კულტურულ მოთხოვნილებათ: თეატრს, ბიბლიოთეკებს, გართობას და სხ. ან როგორ უნდა შეეგუოს მათი ცხოვრების პირობანი ჰიგიენის მოთხოვნილებათ, როცა მთელი ავლაბარ-ნავთლული ანტიანიტარულ მდგომარეობაში არის თავისი ბუნებრივი მდებარეობით და ქალაქის უარეს უბანს შეადგენს.

მაგრამ ვსთქვათ ესეც „წვრილობები“, რა გუნებაზედ უნდა იყვეს ახალგაზრდა, როცა მისი სისხლი სდულს და გონება ფილოსოფიურ შემეცნებათა ძებნაშია, და როდესაც ჯერ გამაგრებული და გაჯირკვებული არა აქვს ნერვები და სული — სასალახოსა, სასაფლაოსა და ბაყების ატმოსფერაში. რო-

გორ უნდა გაუღიშოს ცხოვრებას, როცა ერთი მხრით საქონლის სასაქლო ექნება, მეორის მხრით ადამიანთა სასაფლაო, მესამე მხრით მღვრია და ქუ- შყით საესე მტკვარი და მეოთხეთი ქვარტლიანი, მქუხარე და უსლო რკინის გზები. როგორ უნდა ემზადებოდეს გამოცდებისათვის სწორედ მისში, როცა მთელი ბუნება ჰყვავის და ათასფერად იმოსე- ბა - ის კი განწირული უნდა იყვეს უდაბნოში სას- წავლებლად მკვდრებისა და ლეშის გვერდით. რა ფსიხიკაა, რა მსოფლმხედველობა უნდა შემუ- შავდეს ამ პირობებში? - მარტო პესიმისტური, მარ- ტო ამშლელი ძარღვებისა, ავითმკვლელობა მოზა- გონებელი და... ღმერთო შეგცოდნე, ყველა საშუა- ლებაც ხელთ ექნებათ: რკინის გზა, მტკვარი და სხ.

მაგრამ ვსთქვათ ესეც წერიმალა: ცოტა ხალხი და შეგირდობა იკლავს თავსა, რომ ქვეყანა მინც ბრუნავს და ვარსკვლავებიც თავის ადგილასა რჩები- ან; - რა უნდა უყოთ იმ პროფესორებს, რომელ- თაც მიიწვევთ სასწავლებლად? რომელი გიყი იქნე- ბა - ნავთლოულში დასახლდეს, ან რომელი იკისრებს მთელი საათების, ძვირფასად ღირრებულ საათების დაკარგვას ამ უნუგეშოა გზის გავლა-გამოვლახედ? რასაკვირველია, აუნაზღაურდებათ ფასით, მაგრამ ვა- ნა ეს არ ასუსტებს ფინანსიურ მოსაზრებას? - ეჰ, რომელი ერთი ჩამოვთვალა? - უმწეოა ბედი ჩვენის პოლიტენიკუმისა და დეე, ეს სიმბოლო იყოს იმ კულ- ტურტრევერობისა, რომელსაც აწარმოებდა აქამდის ბიუროკრატია ჩვენში და ახლა იწყობს წარმოებას - სომხობა. ყვითელი ფერი, შერეული ლურჯსა, წითელსა და თეთრში ვერაფერი სანუგეშოა ნამდვილ კულტურულ დღესასწაულისათვის და ჩვენც გვინ- და, გულწრფელად გვინდა გახარება უმაღლესი სა- სწავლებლით, მაგრამ არ შეგვიძლიან: იგი უბედურ ვარსკვლავზედ ყოფილა დაბადებული კავკასიისათ- ვის.

დამსწრე.

„მშაკს“ სანასუხოდ

„მშაკისთვის უკეთესი იქნებოდა, რომ დაბა- ლი ღირსების მუქარის ნაცვლად, რომელიც არც ერთმა დარბაისელმა ორგანომ არ უნდა იკადროს, ანგარიში გაეწია ფაქტებისთვის და არსებითად მო- ეცა პასუხი, თუ აქვს რამე სანასუხო და თუ შეუ- ძლიან გამართლება იმისა, რაც სომხის ვაქრებმა

ჩაიდინეს სიღნაღში. ჩვენმა მკითხველებმა იციან, რაშია არას საქმე და ამიტომ სიღნაღის არჩევნე- ბის ისტორიას თავიდან არ დავიწყებთ. ჩვენ მხო- ლოდ მოკლე შენიშვნით უბასუხებთ „მშაკს“. იგი სწერს: „რაც შეეხება სიღნაღის არჩევნებს, და იმ გარემოებას, რომ სომხები გამარჯვებულნი დარჩნენ, ეს მხოლოდ იმიტომ მოჰხდა, რომ სომხთა მესაკუ- თრები მეტი იყვნენ, არჩევნებზედაც ხმის უმეტე- სობა მათ ეკუთვნოდათ. რად უნდა დაეთმოთ სომ- ხებს თავისი უფლება ქართველებისთვის, რათა მათ თავისებურად განეგოთ საქმეები“.

ეს სტრიქონები ფრიალ დაჰახასიათებელია და, ჩემის აზრით, ქართველებისთვის ქუყის მასწავლებე- ლიც უნდა იყოს. ჯერ ერთი, „მშაკს“ ალბად ვერ გაუგია, რა აღშფოთებს ქართველ საზოგადოებას, ან განგებ არა ჰსურს გაიგოს. წარმოვიდგინოთ, რომ სიღნაღში სულ სამი ამომრჩეველია. აიღეს და საქმე ისე მოაწყეს, რომ ერთს მისცეს 9 სომხის ამორჩევის უფლება, ორს კი მარტო ექვსისა, გამარ- ჯვებული, რა თქმა უნდა, ერთი დარჩება, მაგრამ ვინ იტყვის, რომ ერთი ჰვერია ორზე და ამიტომ ერთს უფლება აქვს ორზე იბატონოსო.

მაგრამ თავი დავანებოთ ამ „მშაკისთვის“ არა სასიამოვნო ანგარიშს. ეს ვთქვათ, სრული ქეშმა- რიტებაა, რომ სომხები უმრავლესობას შეადგენენ და საჭიროდაც მიაჩნიათ სარგებლობა ამ გაბატონე- ბული მდგომარეობით. ერთი გვიბრძანეთ, თუ ყვე- ლა ეს ასეა, მაშინ სადღაა თქვენი საქმეები სოლიდა- რობა, რომელითაც ყური გამოგვიქედეთ? თუ გა- ბატონებული სომეხი ზნეობრივად ვალდებულია თავისი გაბატონებული მდგომარეობით ისარგებლოს, უეჭვლია ასეთი ვალდებულება უნდა ედოს სხვა ეროვნებასაც: ქართველებს, რუსებს, ეს არის თქვე- ნი სოლიდარობა? ამას ეძახდით და ამას ეძახით ძმობასა და კეთილ მეზობლობას? თუ მე ძლიერი ვარ და შენა გჯობნი, ვალდებული ვარ დაგეხმარო, მაგრამ, თუ შენა ხარ ძლიერი, თავში უნდა ჩამი- რახუნო? თუ ასე გესმით სოლიდარობა, ღმერთმა გვაშოროს თავიდან: იგი ეშმაკისეულია.

„მშაკს“ უნდა მოეხსენებოდეს, რომ „ყველა- ფერი მიმიღინარეობს“, ბერძენი ფილოსოფოსისა არ იყოს. რომ გარემოება შეიცვალოს და იქ, სადაც დღეს სომხები დღესასწაულობენ და პირს იტყბარუ- ნებენ ქართველების დამარცხებით, ქართველები გა- ჰხდნენ უმრავლესობად და თავიანთი მოქმედების დროს „მშაკის“ რეცეპტით იმოქმედონ, მოუწონებს საქციელს სომხების დარბაისელი გაზეთი? არა გვგო-

ნია, მოუწონოს? მაშ, ეხლა რალად ლაპარაკობს ამ კილოზე? რად აქვსებს ნაციონალისტურ უკიდურესობას იქ, სადაც შეთანხმება უნდა ყოფილიყო. მაგრამ, გვერთა ჩვენ იმ კაცის საქმე გვემართება, მგლის თავზე სახარებას რომ კითხულობდა.

გ. ბარელი.

(„სახალხო გაზეთი“)

„სახალხო გაზეთი“ ხელ ახლა მიმხვდარა და ისიც მირტო „ბარელის“ გონებით, რომ სომხის მგლის თავზე სახარებას კითხულობდა აქამდის; ამ დროს განმავლობაში კი რამდენი ტყბალი ბატკანი გააპარა „მეზობლისა“ „კეთილის მყოფელისა“ და „დემოკრატიის“ ქურკში გახვეულმა ტურა-მგელმა. ან რა გასაკვირველია, რომ გგელმა ცხვარი გააპაროს: მგელი რის მგელია, ცხვარი რის ცხვარია, თუ ასეთ განწყობილებაში იქნებიან, მაგრამ პრესა ყოველთვის ის მწყემსი უნდა იყვეს, რომელიც თავის საკუთრებას არავის წააღებინებს. თქვენ კი რას შერგობდით „სახალხოელნი“? წაიღეთ ბორჩალო-აქალქალაქიო, ეუბნებოდით: იქ თქვენი მგელი უფრო მეტია, ვიდრე ჩვენი ცხვარიო და თუმცა სხვა გონადირენიც“ ბევრია აქ, მაინც გაიძახდით: რეალური მოსახლეობის პრინციპით ვხელმძღვანელობთო.

„ეს სტრიქონიბი ფრიად დამახასიათებელია და ჩემის აზრით, ქართველებისათვის კეის მასწავლებელიც უნდა იყოს“, სწერთ, ბ-ნო „ბარელი“. ჩვენ რუსების მდგომარეობაში არა ვართ, რომ ვსთქვათ: „лучше поздно чѣмъ ни-огда“—ჩვენ ისეთ მდგომარეობაში ვიმყოფებით, რომ ყოველი დაგვიანება გამოუსწორებელი ხიფათია და ღმერთმა ჰქნას რომ ასე გვიან მაინც „ისწავლოთ ქკუა“, თორემ მეტად გულუბრყვილო ხალხა ვართ ქართველები: ყველანი ჩვენის ნებით თავზე დავისხით, ჩვენი უფლებანი და კანონები გაკათელებით და ახლა კი თითზე ვიკვენთ: რა უსამართლობაა სტუმრებისაგანაო. მარტო ბავშვებსა ჰგონიათ ეხლა, რომ პოლიტიკაში სამართლიანობა, სტუმრიანობა და არიფანობა პოლიტიკაში ეს ათასი წლის წინადაი არა ყოფილა და ეხლა ხომ განათლებული ევროპა ყოველ დღე გვიტყუებს ამას და რა გიკვირთ სომხებისაგან?!

რედ.

შრომის ჯგუფის განმარტება

ვ. გელოვანის შესახებ

ჩვენ მივიღეთ შრომის ჯგუფის თავმჯდომარისაგან შემდგევი წერილი: „მ. ხ. ბატონო რედაქტორო. 17 აპრილს „სევერნაია რაბოჩაია გაზეთი“-ში დაბეჭდილი იყო მემარცხენე ქართველი სტუდენტობის განცხადება შესახებ იმისა, რომ „გელოვანს ადგილი არა აქვს შრომის ჯგუფში“, ვინაიდან იგი 1) სახელმწიფო-სათათბიროს საბიუჯეტო კომისიაში იცავდა ხალხის უფლებით მოვაჭრე თ. მინგრელსკის ინტერესებს; 2) სახელმწიფო-სათათბიროს საადგილ-მამულო კომისიაში მხარს უჭერდა ქართველ თ.-აზნაურობის ინტერესებს წინააღმდეგ ხიზანთა ინტერესებისა და ამით ხელი შეუწყო ხიზანთა ნახევრად ყმური ურთიერთობის ლიკვიდაციის გადადებას; 3) მან მემამულეების ინტერესებს მსხვერპლად შესწირა უხუთის 90 კომლი გლეხის კეთილდღეობა და ამ დანაშაულის დასაფარავად მიმართა სხვა და სხვა ბოროტ-მოქმედებას“

ამის საპასუხოდ შრომის ჯგუფმა მომანდო მე, გამოვაცხადო შემდგევი:

1) ვ. გელოვანის მონაწილეობა თ. მინგრელსკის საქმეებში განისაზღვრა საზოგადოთ მით, რომ იგი აწარმოებდა ადმინისტრაციულ საქმეს, მინგრელსკისათვის ერთი ზილიონის გადახდის შესახებ, რომელიც ერგებოდა მას (მინგრელსკის) სამთავრო უფლებათა დათმობისათვის, თანახმად 1867 წ. რუსეთის მთავრობასთან დადებულ ხელშეკრულობისა. ხოლო სახელმწიფო სათათბიროში გელოვანის დამოკიდებულობა ამ საქმესთან გამოიხატა იმაში, რომ ვ. გელოვანმა საბიუჯეტო კომისიაში (1913 წ. 14 მარტს) განაცხადა, რომ სათათბიროს წევრად არჩევის უმაღლვე მან უარი სთქვა თ. მინგრელსკის ამ ერთად ერთის საქმის წარმოებაზედაც. 2) სახელმწიფო-სათათბიროს საადგილ-მამულო კომისიაში ვ. გელოვანი მოქმედებდა სრულიად შეთანხმებულად ქართველ დეპუტატ ჩხეიძესთან, მასთან ერთად შეჭქონდა წინადადებანი გლეხების ინტერესების დასაცავად და ზოგიერთი გაუმჯობესება ხელებული კანონ-პროექტისა მიღებულ იქმნა ვ. გელოვანის და ნ. ჩხეიძის მეთაურობით. 3) კავკასიური გაზეთები (გაზეთი), რომელთაც დაბეჭდეს

ცნობა შესახებ „ბოროტ-მოქმედებისა“ და „დანაშაულისა“ უზუთის გლეხების საქმეში, გელოვანმა პასუხისგებაში მისცა ცილისწამებისათვის.

ყოველივე ამის მიხედვით ცხადია, რომ პირველსა და მეორე მუხლებში მოხსენებულ გარემოებას არც შეეძლო ნამდვილად მიეცა რაიმე საბაბი საკიფხის აღსაძრავად: ღირსია თუ არა ვ. გელოვანი იყოს შრომის ჯგუფში.

რაც შეეხება მესამე მუხლს, უადგილოა რაიმე ბრალის დადება, სანამ სასამართლო საქმეს გაარჩევდეს.

ამას გარდა მოვალეობად მიმაჩნია განვაცხადო, რომ ვ. გელოვანი უცვლელად აღჭურვილია შრომის ფრაქციის სრულის ნდობით.

მეტი არ იქნება იმის აღნიშვნაც, რომ თუმცა განცხადება ხელმოწერილია „სოც.-დემოკრატიების მომხრეების და მემარცხენე ხალხოსნების (ესერების) მიერ“, მაგრამ ფრაქციის ცნობებით ქართველ სტუდენტების მეხალხოსნე ჯგუფიდან მონაწილეობას იღებდა მხოლოდ სამი და მათაც არ ჰქონდათ რაიმე რწმუნებულობა დანარჩენ თავის ამხანაგები-საგან.

ყოველ შემთხვევაში, გელოვან-გეგეკორის საქმის გამო სამედიატორო სასამართლოს გამოტანილ განაჩენის შემდეგ, ფრთხილად უნდა იყოს ყველა, ვისაც შესაძლებლად მიაჩნია პარტიულ ბრძოლაში პირადი გამოლაშქრება. შრომის ჯგუფის ფრაქციის თავმჯდომარე ა. კერენსკი. 1914 წ. აპრილის 30-ს“.

(სახ. გაზეთი).

ასეთმა განმარტებამ შრომის ჯგუფისაგან, რასაკვირველია, უნდა გაახაროს ყველა ქართველის და ქვეშაირიტ დემოკრატიის გული, რომ, რაც უნდა იყოს ჯერ იმდენად არა ყოფილა პირშერცხვენილი კიდევ ერთი ქართველი; როგორც ეს ისახებოდა თავდაპირველ ბრალდებებში; მაგრამ არ შეიძლება არ აღვნიშნოთ ისიც, რომ განმარტება თითქმის არაფერს არ განმარტავს.


1) მინგრელსკის საქმის თავის დანებება ვადეპუტატების დროს ვერაფერი პლიუსია გელოვანისათვის, თუ კი იგი საქმე ადმინისტრაციასა და მინგრელსკის შუა სადავო საკითხს შეეხებოდა.

2) ხიზანთა საკითხში რომ ჩხეიძესთან ერთად მოქმედობდა—ესეც პოლიტიკურ სიბეცის ბრალია, და არა დემოკრატიული შეგნებისა, რადგან გელოვანი იმდენადვე იცნობს ხიზანთა საკითხს კონკრეტულად, რამდენადაც ბ-ნი ჩხეიძე და შრომის ჯგუ-

ფის განმარტება მხოლოდ იმას მოწმობს, რომ იგიც (ჯგუფიც) შეცდომაში შეუყვანიათ ნამდვილსა და ცრუ სოციალისტებს ჯერ მაგალითი არა ყოფილა რუსეთის იმპერიაში, რომ ბიუროკრატიის პროექტს და სოციალისტების სულის-კვეთებას ასეთი შეხმატკბილება მიმდინარეობა ჰქონოდათ, როგორც ხიზანთა საკითხში და იმდენად ბეცნი არიან უკანასკნელნი, რომ ბიუროკრატიის ხრიკში დემოკრატიზმის პრინციპსა ხედავენ. ესეც არ არის პლიუსი გელოვანის აზროვნება მოქმედებისა.

3) რაც შეეხება იმას, რომ გელოვანმა სამართალში მისცა „ცილისწამებელი“ გაზეთით— ეს აგერ ხუთი თვე არის გვესმის და რაღა სახელმწიფოსათათბიროს დეპუტატს გაუქიანურდა ცილისწამების დარღვევა ხუთ თვეზედ, როცა ასეთი საქმეები ორ კვირაში გაირჩევა ხოლმე. ან თუკი შრომის ჯგუფს შეძლება ჰქონია გელოვანის გამართლებისა პირველ ორ მუხლში, რად უცდის იგივე ჯგუფი ოფიციალურ სასამართლოს? არ შეეძლო განა, ისიც განემარტა, თუ რითი არღვევს ბ-ნი გელოვანი „ფიქრის“ „ცილისწამებას“?

რედ.



ჩვენს ლექციებზედ

(სახელმძღვანელო შენიშვნები ქართველ დემოკრატებისათვის)

თუ გსურთ წაიკითხოთ ლექცია, მაგალითად, უდიდეს მეცნიერ ნიუტონზედ, საკმარისია იცოდეთ, რომ ერთს სიცხე პაპანაქიან დღეს ნიუტონი იჯდა ხის ქვეშ და უეცრად მალლიდან ჩამოვარდნილმა ვაშლმა მოილო ტყაპანი. ეს იყო და ნიუტონის მიერ აღნიშნულ მიწის მიმზიდველ ძალის კანონი მზად იყო.

ეს მაგალითი შეგიძლიანთ იკმაროთ, რომ ნათლად დაუხატოთ მსმენელ ქარველ აუდიტორიას ნიუტონის მეცნიერების შინაარსი, მისი მეცნიერული მეთოდები და თუ გსურთ ვრცელი მისი ბიოგრაფიაც.

ვაშლის ხე და ვაშლი თქვენც გინახავთ და ყოველ ქართველსაც... ხის ძირშია არა ერთხელ დაგვიძინიათ... ამიტომ ძალიან ადვილია მიახვედ-

რომ იგი ნიუტონის შეცნობებისა და რასაკვირველია ბიოგრაფიასაც.

საზოგადოათ თუ დიდ ადამიანთა ბიოგრაფიის კითხვა უფრო გეხალისებათ და გეხერხებათ მაშინ არ დაივიწყოთ შემდეგი:

თუ კითხულობთ ლექციას დიმიტრი ყიფიანზედ მაშინ უსათუოდ ამ დიდ-ბუნებოვან ადამიანის დახასიათებაში ხაზი გაუსვით იმ გარემოებას, რომ 1853 წელს დიმიტრი ყიფიანმა თავის მოჯამიგირე ტრიფონე კილენჯერიძეს ჯამაგირიდან დაუკლო ერთი მანეთი. ეს ფაქტი მეტად გიშველით იმის მტკიცებაში, რომ დიმიტრი ყიფიანი საშინელი მებატონე და ბატონ-ყმობის იდეოლოგი იყო.

ილია ქავჭავაძეზედ ხომ თამამად შეგიძლიანთ სთქვათ, რომ იგი უსასტიკესი ფეოდალი იყო, რადგანაც თითონ თავის წყაროს წყალს სვაჲდა და სხვებს არ აძლევდა.

ამასთან უსათუოდ მსმენელს მიუთითეთ საგურამოს შავს ჯვარზედ და პათეტურად შეჰყვიროთ: აი საბუთი, რომ ილია ქავჭავაძე ფეოდალი იყო! ეს ჯვარი მას დემოსმა აუგო!.. (ლაყე კვერცხისა არ შეგეშინდეთ).

ირაკლი II-ზედ პირდაპირ იტყვიეთ, რომ იგი არამტოუ ფეოდალი იყო, არამედ მეფეც, ესე იგი მკვლევანთა მკვლევანი, ექსპლოატატორი მუშა ხალხისა! და აღლევებული პროტესტის ნიშნად ლექციაც შესწყობეთ.

მეტად ადვილია ლექციების წაკითხვა ახალ ქართულ ლიტერატურაზედ და პოეზიაზედ:

მაგალითად თუ კითხულობთ ჯ. ჯორჯიკიაზედ, ამოწერეთ სალექციო ფურცლებზედ მთელი მისი ნაწარმოებნი, ლამაზ დიქციით და შესტებით წაკითხეთ იგი აუდიტორიას და ბოლოს მსმენელებს შეკითხვით მიმართეთ: ბ. ბ. ნუ თუ ეს ნაწარმოებნი არ ეკუთვნით დიდებულ ახალგაზრდა მწერალს? ჯილდოთ მიიღებთ უსაშინელეს ტაშის გრიალს.

თუ ა. ქუპაძეზედ გსურთ კრიტიკულ რეფერატის დაწერა და წაკითხვა ამოწერეთ ის უმშვენაერესი ესკიზი-მოთხრობა, სადაც თავიდან ბოლომდე საუცხოვო სინამდვილით დახატულია ერთი ქალ ვაჟის ვნებათა ლევა, როდესაც უკანასკნელნი „საწოლზედ გორაობდნენ“, მაგრამ გირჩევთ, რომ ამ თქვენ რეფერატის კრიტიკულს“ ნუ უწოდებთ, რადგანაც დარწმუნებული ვარ „ვენებათა ლევა“;

ახალგაზრდა ქალ-ვაჟისა ისე გაგიტაცებთ, რომ რასაკვირველია კრიტიკას ველარ მოახერხებთ.

ამ ლექცია-რეფერატს არავითარი თქვენი შენიშვნები აღარ მოუნდება. ლექცია წაკითხული უნდა იყოს შესაფერის სახის მიმიკით და „ესტიკულაციით“.

როდესაც პოეზიაზედ კითხულობთ—არ დაგავიწყდეთ ერთი რამ: როგორც კი 12—15 წლის ბიჭუნა ორ-სამ ლექს დასწერს, მაშინვე დაამზადეთ თქვენი ლექცია, თორემ შესაძლოა სხვამ დაგასწროთ, მასთან იცოდეთ, რომ ქართველი ახალგაზრდა პოეტები ძალიან წყრომის ხალხია. ამიტომ ყველა ამ ნაირ ლექციებს უნდა ჰქონდეთ ამგვარ სათაურები: „შესანიშნავი პოეტი“, „ბალმონტის მასწავლებელი მზის პოეტი“, „დიდებული“, „უდიდესი“, „ულამაზესი“ და სხვა. მასთან ყოველი პოეტი უნდა მარტო აქოთ, აქოთ, აქოთ, აქოთ... თორემ გაგიწყობიან და ჩვენს ქალებს აღარც ტყეში წაიყვანენ და აღარც ბუჩქებში... საქართველოსაც გაუწყობიან და აუცილებლად დაღუპვის გზაზე დააყენებენ. ერთი სიტყვით ფრთხილად მოიქცეთ და ლექციის დამთავრება ადვილად და მშვიდად ჩაგივლით-

ასევე ადვილია წაკითხვა „კოოპერაციაზედაც“. ამისათვის წაკითხეთ შინ რუსული ბროშურა: „როგორ გამოასწორეს თავისი მეურნეობა სოფელ ვიზივლოვსკის მცხოვრებლებმა“ ფასი 3 კაპ. გადათარგმნეთ იგი ქართულ ენაზედ; სადაც სახელი „ვიზივლოვკა“ შეგხვდებათ იქ სოფ. „ოქროყანა“ მოიხსენიეთ. ქართული ლექცია კოოპერაციაზედ მზად გექნებათ.

ცოტა ძნელია მარტო უმავთულო ტელეგრაფზედ ლექციის წაკითხვა. მაგრამ აქ ჩიტები მოგეშველებიან. დაიწყეთ ასე და აუხსენით შემდეგი მაგალითით: „პატივეცემულნო მსმენელნო, როდესაც თქვენ კახეთის შარა გზით ქ. თელავს ან სიღნაღს მიემგზავრებით, უსათუოდ შეამჩნევდით გზის ნაპირას მალლა ჰაერში გაშეშებულად მჯდომ ჩიტებს. თქვენ რასაკვირველია გეგონებათ, რომ ჩიტები ჰაერში სხედანა მაგრამ არა! ეს მარტო თქვენი თვალეზი გატყუებთ: ჩიტები ტელეგრაფის მავთულებზედ სხედან. აი, როდესაც ჩიტები ჰაერში არა სხედან—აი ეს უმავთულო ტელეგრაფია“... მეტად გაუნათლებელი უნდა იყოს ქართველი მსმელი, რომ მაშინვე არ წარმოიდგინოს უმავთულო ტელეგრაფი და მისი დიდებული მნიშვნელობა კა-

კობრიობის წინსვლის განვითარებაში. რაც შეეხება ელექტრონის ტალღების მოძრაობის ახსნას დაჯექით სკამზე და ენერგიულად ხელები მიიქნ-მოიქნიეთ (უსათუოდ არეულად და სხვა და სხვა მხრივ). ამ დემონსტრაციის შემდეგ უმაღლესო ტელეგრაფის მუშაობის მიზეზი ყველასათვის ნათელი იქნება. ეს ლექცია, რომ ყოველ დღე იკითხოთ არავის მოსწყინდება—პირით სახელსა და ფულს მოგიხვევთ. ქართველ საზოგადოებაში*).

ყოველ ლექტორს ურჩევთ მათი კოლეგის ცნობილ გამოგონ — ლექტორის ი. ვაჩნაძის, „საოფლე წინდებში“ გამოეწყოს და ისე შეუდგეს ლექციის კითხვას. „საოფლე წინდები“ საზოგადოთ აშრობს ოფლს და ამით ჩვენს ლექტორებს დიდი შეღავათი მიეცემათ. არც ოფლი და არც სიწითლე მათ მჭერ-მეტყველურ სახეს აღარ მიეკარება.

ლიმონა.

თეატრი და ხელოვნება

8 მაისს, სახალხო სახლში მეოთხედ დადგეს შ. დადიანის მინიატურა „პირიმზე“. მართალი მოგახსენოთ გვეძნელება ამ ნაწარმოებს სახელი დავარქვათ, რადგანაც ავტორს აზრად არა ჰქონია პიესა დაეწერა, ტექნიკურად შემუშავებული და ფორმით დასრულებული.

ამ სამი-ოთხი წლის წინად მემუსიკე კ. ფოცხვერაშვილმა რამოდენიმე კაცს გვიამბო ზღაპრული მოთხრობა და გამოსთქვა სურვილი ამ თემაზე ოპერის, ან მუსიკალური ფეერის დაწერისა, რომ ვინმე ლიბრეტოს დამიწერდესო. ა. შანშიაშვილმა ისარგებლა ფოცხვერაშვილის ამ ზღაპრით და „შვების თავადი“ დასწერა და შ. დადიანმა კი ერთ მოქმედებიანი გალექსილი ლიბრეტო ოპერისათვის. მართალია, ფოცხვერაშვილი თვისი შემოქმედების ხასიათით უფრო დრამატიულ ოპერას თანაუგრძნობს და უფრო ვაჰნერის მიმართულებას ექვემდებარება და მაშასადამე საოპერო ლიბრეტოს დიდი მნიშვნელობა აქვს მისთვის, მაგრამ როგორც მას, აგრედვე შ. დადიანს უმთავრეს ნაწილად მუ-

სიკა მიანდათ ამ ნაწარმოებში და არა ლიბრეტო; აქაც ისინი სიტყვებს მუსიკის სასამსახუროდ ხმარობდნენ და მაშასადამე უსამართლობა იქნება ამ ლიბრეტოს დრამატიულ ნაწარმოების საზომით მიუხელოვდეთ, როგორც ეს ჩაიდინა გაზ. „თემში“ მ. წულუკიძემ. მან დიდის ამბით, ფილოსოფიურ-სოციოლოგიურ და სხ. მხრით გაარჩია ეს ლიბრეტო და... როგორც საერთოდ სჩვევიათ ჩვენს ბრძენ რეცენზენტებს, გამოაცხადა პიესა მხატვრული არ არისო; იდგის შესახებ ბევრი რამე ათქვა, მაგრამ თითონვე დაიბნა, ჩვენც დაგვაბნია ნამეტანი ფილოსოფიით და ვერ გავიგეთ არის თუ არა საყურადღებო იდეა ამ პიესაში.

ჩვენ არ შეგვხვედრია ისეთი საათეატრო რეცენზია, სადაც არ იყოს ეს ფრაზა: პიესა არ არის მხატვრული (ან: ძლიერ მხატვრულია), მაგრამ ის კი ვერ გავიგეთ, როგორი უნდა იყოს ეს „მხატვრული ნაწარმოები“; არც ერთი ამ ჯურის კრიტიკოსი არ ცდილა აეხსნა, რას გულისხმობს იგი ამ ფრაზაში და ჩვენი საზოგადოებაც უნდა უსიტყვოდ დასთანხმდეს ბ-ნ რეცენზენტს. რეცენზიები ჩვენში თითქმის ერთი შაბლონით იწერება და რეცენზიას სწერს ყველა, ვისაც ანბანი უსწავლია და სრულიად სამართლიანად აღნიშნეს და კიდევ გაჰკაცხეს ეს მოვლენა სოც.-დემოკრატიულ პრესაში.

განა სასაცილო არ იქნება ის რეცენზენტი, რომელიც მაგალ. ვაჰნერის „ნიბელუნგთა ბექედის“ ლიბრეტოს დრამატიულ ნაწარმოების საზომით მიუხეხტეს და „ბღღვირი აადინოს!“

და სწორედ ასეთ სასაცილო მდგომარეობაში ჩავარდნენ მიხ. წულუკიძე და „სახ. გაზ.“ რეცენზენტი; დიდის რიხით გაარჩიეს ეს „პიესა“ და განაცხადეს: კ. ფოცხვერაშვილის მუსიკა მშვენიერი იყოვო, მაგრამ დახედეთ უბედურებას... მეორე დღეს რეჟისორმა წუწუნავამ განაცხადა: ფოცხვერაშვილის მუსიკა ხელთ არა გვქონდა, ერთი ადგილის გარდა და დანარჩენი კი ისე, შინაური მუსიკა იყოვო. ასეთივე საქმის ცოდნა გამოიჩინა მიხ. წულუკიძემ, როცა განაცხადა: პიესა მხატვრული არ არის და ის აღტაცება, რომელიც მან გამოიწვია მაყურებლებში მხოლოდ რეჟისორს უნდა მიეწეროსო. მან პროცენტებითაც კი გამოიანგარიშა, რომ $\frac{9}{10}$ იმ შთაბეჭდილებისა რეჟისორის მეოხები თაა გამოწვეული და მხოლოდ $\frac{1}{10}$ ავტორისაო. მართალია ნიქიერი რეჟისორის ხელი თვალსაჩინოდ ეტყობა დადგმას, მაგრამ ლიბრეტოშიაც ყოველი

*) საბუთი ამისი: დღეს „სახალხო სახლში“ იანქოშვილი ისევე კითხულობს თავის ლექციას.

დეტალი, ყოველი მოქმედება სცენაზე აღნიშნულია და ნაჩვენები, ასე რომ ის სასცენო ეფექტი, რომელსაც ჩვენ ვხედავთ, ავტორსაც წარმოდგენილი ჰქონდა.

თუ მხატვრულ ნაწარმოებს ისეთს ვუწოდებთ, სადაც ფორმა სრულიად შეეფერება იდეას, თუ ღრმა იდეა სრულიად გადაშლილია და საკმაოდ გაშუქებული და გამოხატული, ამ მხრით „პირიმზე“ ვერ დავაკმაყოფილებს, რადგანაც ის ღრმა იდეა, რომელიც გამოთქმულია ვერ ჩაეტევა ამ პატარა „ლიბრეტოში“. ამას უთუოდ ავტორიცა გრძნობდა, მაგრამ ეს ნაკლი მუსიკას უნდა გამოეთქვა, მუსიკას უნდა შეეფესო. მაგრამ ამასთანავე, თუ ეს ლიბრეტო, რომელიც უმუსიკოდ არაფერს არ უნდა წარმოადგენდეს, აგრე მოგვეწონა და პიესის ადგილს იჭერს და რამდენჯერმე სიამოვნებით მოისმინება, სჩანს, ძლიერ კარგად ყოფილა დაწერილი.

მხატვრულმა ნაწარმოებმა უნდა ჩვენს ემოკიათა სფეროზე იმოქმედოს და წმინდა ესაუბტიური ტკობა მოგვცეს. მხატვრული ნაწარმოები თუ გამოიწვევს ჩვენში განზრახულს ემოციებს, იგი მაშინ ჩაითვლება მხატვრულად. პირიმზეში ჩვენ უნდა ვგრძნობდეთ ბოროტ სულთა საშინელებას და კეთილთა სიმშვენეირეს, უნდა ვგრძნობდეთ სიდიადეს მათი ბრძოლისას, უნდა ვიგრძნოთ ადამიანის ყოფნის ამოება, დაუსრულებელი ტანჯვა, აღურაცხელი მსხვერპლი და სხ. და ამ მხრივ ეს პატარა მინიატიურა დაიკვების, რომ ყველა ამას მიადწია. ვიმეორებთ, როგორც დასრულებული პიესა, იგი სუსტია, მაგრამ როგორც მინიატიურა, როგორც აზრიან მუსიკისთვის ლიბრეტო, საკმაოდ ხერხიანად დაწერილია.

ნაცნობი.

ბ. რედაქტორო!

უკვე გაგებულა ვეჩნებათ, რომ ქ. ბაქოს მახლობლად ქირი (ყუმა) გაჩნდა; ჯერ იმდენად არ გამწვავებულა, მაგრამ თუ ბაქოს ქარხნების მუშებში თავი იჩინა მაშინ მთელს ბაქოს გუბერნიას დი-

დი უბედურება მოეღოსო და შემდეგ, ექვს გარეშეა, კავკასიაში ყოველ კუთხეს მოედება. ძლიერ კარგი იქნებოდა, რომ ამ გარემოებას ახლავე ყურადღებას მიაქცევდეთ და ყველა ქართულ ჟურნალ-გაზეთების რედაქტორები თავთავიანთ ჟურნალ-გაზეთის საშუალებით წინადადებას მისცემდეს სოფლის მღვდლებსა და მასწავლებლებს და სხვა მოწინავე პირებს, რომ მათ შესაფერი გაფრთხილება და დარიგება მისცენ ხალხს სისუფთავეზე და სხვა საწინააღმდეგო ღონისძიებაზე, როდესაც კვირა-უქმედდეს ხალხი იკრიბება ეკლესიებზედ სალოცავად ან სხვაგან რაიმე საერთო მაზნისათვის.

ზატვიისცემით კ. გაბუნია:

7 მაისი ქ. ბაქო

— —

რასაკვირველია, სასურველია და საჭიროც, რომ საზოგადოებამ და ინტელიგენციამ მიიღოს ყოველგვარი მონაწილეობა ჰიგინურ პირობათა შესაქმნელად, რომ სათავეშივე მოსპობილი იყოს საშინელებანი ქირისა, მაგრამ ჩვენის აზრით, ამას უმთავრესად ანგარიში უნდა გაუწიოს და მატერიალური დახმარება აღმოუჩინოს ქალაქების თვითმართველობათ და ადმინისტრაციამ, როგორც საზოგადო უბედურების მოვლენას. კერძო ინიციატივა, ან თუნდ საზოგადოებრივი ანტისანიტარულ მდგომარეობასთან და ქირთან ბრძოლაში მეტად ძნელია თავისთავადაც და ნამეტნავად რუსეთის პირობებში. ჩვენ მოუწოდებთ ბაქოს და სხვა კავკასიური ქალაქების თვითმართველობათ და ადმინისტრაციას ფართო ზომები მიიღოს ქირთან საბრძოლველად და საზოგადოების თანაგრძნობა და დახმარება ყოველთვის მზად არის ამ საკეთილო საქმეში მუშაობისათვის.

რედ.

რედაქტორ-გამომცემელი

რ. გაბაშვილი.

ბ ა ნ ც ხ ა ღ ე ბ ა

ქართული საწერი მანქანა

თანამედროვე კულტურის განვითარებაში დღეობს ადგილი უჭირავს ორთქლის და ელექტრონის შემოღებას. თითქმის ასეთივე მნიშვნელობა აქვს მთელი კაცობრიობისათვის საწერი მანქანის გამოგონებას. დღეს ყველა კულტურულ ერს მოეპოვება თავის ენაზე საწერი მანქანა, მხოლოდ ჩვენ ქართველები შევადგენდით აქამდის გამოჩენილს.

1909 წელს ქართველთა შორის წერა-კითხვის გამავრცელებელმა საზოგადოებამ პირველად გადადგა ნაბიჯი ამ საქმის განსახორციელებლად და დაიკვეთა ათი ცალი ქართული საწერი მანქანა, მაგრამ ასოები ძლიერ ცუდად იყო ამოჭრილი და ამას გარდა ძვირიც დაჯდა, სახელდობრ 275 300 მანეთი თითო. ამ გარემოებამ ძლიერ შეუშალა ხელი მანქანის გავრცელებას.

რომ ეს ნაკლი შევსებულყოფიერ და ჩვენი ქვეყანაც საერთო კულტურის ფერხულში ჩაერთო, ჩვენმა ფირმამ უკვე შარშან კაფშირი დაიჭირა საწერი მანქანების საუკეთესო ქარხანასთან და დაუკვეთა ქართული საწერი მანქანა.

აქვე ჩვენი საზოგადოების ყურადღება უნდა მივაქციოთ შემდეგ გარემოებას: საწერი მანქანის ასოები იმავე ფორმის არ არიან, როგორც საბეჭდავი ასოები, ვინაიდან საბეჭდავი ასოები ხსება და სხვა ზომისანი არიან და საწერ მანქანაზე კი საჭიროა, რომ ყველა ასოები ერთი ზომისანი იყვნენ. ამის გამო მიუჩვეველი თვალისათვის პირველად შეიძლება არაჩვეულებრივი იყოს, მაგრამ თან და თან მიეჩვევიან.

ამავე მანქანაზე მოთავსებულია რუსული ასოებიც, ასე რომ რუსულადაც შეიძლება წერა. ამ გარემოებას განსაკუთრებული მნიშვნელობა აქვს იმ დაწესებულებათათვის, სადაც რუსულ ენაზე მიწერა-მიწერა, ნებით თუ უნებლიეთ სავალდებულო არის.

რასაკვირველია, ყოველივე ახალი მანქანის გამოქვობისგან შეიძლება და თუ ჩვენი საზოგადოება ამ საქმეს თანაგრძნობით შეხვდა, მისი თან და თან გაუმჯობესება ადვილი საქმეა.

ორივე ენაზე ერთად მანქანას ჩავაბარებთ

ჩვენში ყველა ადგილებში ას ოხმობაც მანეთად (180 მ.). თითო გამოწერილ მანქანას თ ნ გამოვყოფთ ქართულ ენაზე დაწერილ სახმარ დარიცებას.

ამ მანქანის გასავრცელებლად ჩვენში, ფირმის წარმომადგენელად არის ჟურნალ-გარეთების სააგენტო „იმერეთი“-ს გამგე ბატონი ისიდორე კვიციანიძე, რომლის კანტორაშიაც ქუთაისში მსურველთ შეუძლიანთ ნახონ ჩვენი სანიმუშო მანქანა.

დაკვეთა შეიძლება პირდაპირ ჩვენგან შემდეგი მისამართით:

D. GHAMBASHIDZE et C^o.

61. Mark Lane.

London. E. O.

ან ჩვენი ფირმის წარმომადგენელთან შემდეგი მისამართით: ჟურნალ-გაზეთების სააგენტო „იმერეთი“ ბ ტონ ისიდორე კვიციანიძე. ქუთაისი.

დაკვეთისთანავე, მყიდველმა უნდა გადაიხადოს ორმოცი მანეთი (40 მ.), რომელიც უნდა გადაიგზავნოს ბათუმის საურთიერთო ნდობის ბანკში ქ. ბათუმში, დანარჩენი ას ორმოცი მანეთი (140 მ.) კი გადახდებათ ჩაბარებისას.

ამასთანავე, გიგზავნით ქართულ-რუსული ნაწერის ნიმუშს და იმედი გვაქვს ჯეროვანის თანაგრძნობით შეხვდებით ჩვენს წინადადებას.

პატივისცემით დავით ლამბაშიძე და ამხ.

ლანდონი 5 მაისი 1914 წ.

რედაქცია, ამასთანავე ამოწმებს, რომ გამოგზავნილი ნიმუში ლამაზი შრიფტით არის ნაბეჭდი და მშვენიერ შთაბეჭდილებას ახდენს.

რედ.

✠ მკველდღიური საკოლიტიკო და სალიბერატურო გაზეთი ✠

„იმერეთი“

ახალის რედაქციით და თანამშრომლებით.

მიიღება ხელის მოწერა 1914 წლისათვის. გაზეთის ფასი: ერთი წლით—7 მან. ნახევარი წლით 4 მან. ერთი თვით—80 კ. ცალკე ნომერი ერთი შაური.

ადრესი: Кутаисъ, редакция газ. „Имерети“.

ყოველკვირეული სამხატვრო-საღიგობრივი, სათეატრო და

სასოციალური მინაწილის სურათებიანი ჟურნალი

„თეატრი და ცხოვრება“

ჟურნალს საგანგებო თანამშრომელ-კორესპოდენტები ჰყავს რუსეთსა და საზღვარ-გარედ. ჟურნალში თანამშრომლებენ ცნობილი მწიგნობარნი, მუსიკოსნი, დრამატურგნი, მგოსანნი, და მხატვარ-ხელოვანნი.

ჟურნალის ფასი: წლიურად 5 მ. (ამ წლის დამლევამდე - 4 მ.) ნახევარი წლით 3 მან. ცალკე ნომერი ორი შაური. ფულის გადახდა ნაწილ-ნაწილადაც შეიძლება.

ხელის მოწერა მიიღება ქართ. დრამატ. საზოგ. კანტორაში და იოსებ იმედაშვილთან („სორაბ-ნის“ სტამბაში).

1894 წლიდან

1914 წლამდის

საუკეთესო დვინოდ ითვლება დვინო

სასოციალურა „კახეთი“-სა

ტელეფონი: № 73 და 3—51.

თბილისი: გოგოლის ქუჩა 63 და ერევნის მოედანი.

განყოფილებანი: ბაქოში, ასხაბადში, ტაშკენტში, მოსკოვში, ბათუმში, რასტოვში და სხ.

ელექტრო-მბეჭდავი სტამბა ს. ლოსაბერიძისა, მოსკოვის ქუჩა 5.